



Republika e Kosovës
Republika Kosova-Republic of Kosovo
Qeveria-Vlada-Government

*Ministria e Arsimit, Shkencës, Teknologjisë dhe Inovacionit/
Ministarstvo Obrazovanja i Nauke, Tehnologije i Inovacija / Ministry of Education, Science,
Technology and Innovation*

Ministrja e Arsimit, Shkencës, Teknologjisë dhe Inovacionit, në mbështetje të neneve 8, 10 dhe 11 të Ligjit nr. 06 / L-113 për Organizimin dhe Funksonimin e Administratës Shtetërore dhe të Agjencive të Pavarura (Gazeta zyrtare nr. 7/01 mars 2019), nenit 11 paragrafit 1.5 të Ligjit për Qeverinë e Republikës së Kosovës (Gazeta zyrtare nr. 34/18, nëntor 2022), në mbështetje të nenit 4 paragrafit 1.7, nenit 8 si dhe shtojcës 7 të Rregullores (QRK) nr. 14/2023 për fushat e përgjegjësisë administrative të Zyrës së Kryeministrit dhe Ministrive të datës 09.08.2023, Udhëzimit administrativ nr. 20/2023 të datës 04.08.2023 për krijimin e skemave për mbështetje financiare të studentëve për ndarjen e bursave dhe vendimin nr. 3508 të datës 25.10.2023, nxjerr:

K O N K U R S

Për e ndarjen e bursave për studentët e nivelit të studimeve bachelor dhe master dhe studentët me aftësi të kufizuar në Universitetet Publike të Republikës së Kosovës, për vitin akademik 2023-2024

Kushtet dhe kriteret

1. Të drejtë aplikimi për bursë kanë të gjithë/a studentët/et në nivelin BA dhe MA që studiojnë në institucionet publike të arsimit të lartë në Kosovë, të cilët/at i plotësojnë kushtet dhe kriteret e përcaktuara:

2. Kriteret për nivelin baçelor:

2.1. Të jenë shtetas të Republikës së Kosovës;

2.2. Të jenë të regjistruar në IAL publike në Kosovë;

2.3. Ta kenë përfunduar vitin e parë të nivelit baçelor;

2.4. Të mos kenë vit të përsëritur të studimeve;

2.5. T'i kenë përfunduar të gjitha provimet e vitit akademik paraprak të përcaktuar me program studimor dhe në afat kohor të rregullt (afati i muajit shtator);

2.6. Ta kenë të regjistruar semestrin vijues në programin studimor;

2.7. Të kenë notë mesatare të studimeve së paku 9;

2.8. Studentët/et që i kanë përfunduar ligjëratat në vitin e fundit të studimeve të nivelit baçelor nuk mund të përfitojnë bursë.

3. Kriteret për bursa të nivelit master:

3.1. Të jenë shtetas të Republikës së Kosovës;

3.2. Të jenë të regjistruar në IAL publike në Kosovë;

3.3. Të mos kenë vit të përsëritur të studimeve;

3.4. T'i kenë përfunduar të gjitha provimet e vitit akademik paraparak të përcaktuar me program studimor dhe në afat kohor të rregullt (afati i muajit shtator);

3.5. Ta kenë të regjistruar semestrin vijues në programin studimor;

3.6. Të kenë notë mesatare të studimeve së paku 9;

3.7. Pjesëtarët e komuniteteve rom, ashkali dhe egjiptian të kenë notë mesatare së paku 8.

3.8. Të drejtë aplikimi kanë studentët e nivelit master dyvjeçar, të cilët kanë të përfunduar vitin e parë të studimit master;

3.9. Studentët/et që i kanë përfunduar ligjëratat në vitin e fundit të studimeve dyvjeçare të nivelit master nuk mund të përfitojnë bursë;

3.10 Studentët që vijojnë studime të integruara me kohëzgjatje pesëvjeçare nuk mund të përfitojnë bursë më shumë se katër herë brenda programit dhe afatit të rregullt akademik.

4. Kategoritë e studentëve me përparësi

4.1. Në kushte të barabarta, përparësi për përfitimin e bursës nga Ministria do të kenë kandidatët/et që i përkasin kategorive me përparësi të cilët janë të përcaktuar sipas ligjeve në fuqi dhe që specifikohen sipas këtij konkursi;

4.2. Për studentët me aftësi të kufizuara nuk aplikohet kriteri i notës mesatare;

4.3. Studentët me aftësi të kufizuara mund të përfitojnë bursë vetëm brenda dyfishit të afatit të rregullt të studimeve të paraparë me legjislacionin në fuqi, varësisht nga kohëzgjatja e programit.

5. Dokumentacioni që kërkohet:

Studentët/et të cilët/at i plotësojnë kushtet, duhet t'i dorëzojnë dokumentet në vijim në përputhje me formatin e përcaktuar në konkurs:

5.1 Vërtetimin e statusit të studentit;

5.2. Pasqyrën e notave me notë mesatare dhe ECTS kredi të lëshuar nga fakulteti;

5.3. Për studentët me aftësi të kufizuar dëshmitë relevante të lëshuara nga organet kompetente;

5.4. Për studentët e komuniteteve rom, ashkali dhe egjiptian vetdeklarimin për përkatësinë etnike (Vlenë për studentët e nivelit master).

Procedurat e aplikimit

Aplikimi bëhet online në platformën e-Kosova në linkun e publikuar në thirrje.

Informata shtesë

- Ministria mund të kërkojë dokumente shtesë sipas nevojës.
- Dokumentet e pakompletuara do të refuzohen nga komisioni.
- Dokumente të pakompletuara janë:

Mungesa e dokumenteve të kërkuara sipas thirrjes;

Dokumentet e dorëzuara/ngarkuara pjesërisht (të cilave u mungojnë faqet);

Dokumentet e panëshkruara, pavulosura dhe të pa protokolluara nga institucioni përkatës.

- Aplikimet me gabime/lëshime teknike nga ana e aplikuesve në dorëzimin/ngarkimin e dokumenteve do të refuzohen nga komisioni.

- Dokumentet e dorëzuara në Ministri nuk kthehen, përkatësisht asgjësohen në përputhje me legjislacionin në fuqi.

- Aplikuesit/et të cilët/at dorëzojnë/ngarkojnë dokumente me përmbajtje të pavërtetë dhe ofrojnë të dhëna të rrejshme nga ato që figurojnë në dokumentet zyrtare, do të eliminohen automatikisht nga konkursi dhe mund t'ju mohohet e drejta për aplikimet e radhës.

- Aplikuesit nuk mund të jenë përfitues të bursës nga më shumë se një skemë e bursave nga Ministria brenda të njëjtit vit akademik.

- Lista e studentëve përfitues do të bëhet publike në uebfaqen e MASHTI.

- Konkursi do të jetë i hapur nga data 26/10/2023 deri më 06/11/2023, në ora 16:00

E drejta e ankesës: Kandidatët që kanë aplikuar për përfitim të bursës, kanë të drejtë ankese në afat prej 7 (shtatë) ditësh kalendarike, pas shpalljes së rezultateve. Ankesat dorëzohen në arkivin e MASHTI, kati përdhës, zyra nr. 4 dhe shqyrtohen nga komisioni për ankesa dhe parashtresa i MASHTI.